



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XXII. Aprilis.

[urn:nbn:de:hbz:466:1-50961](#)

S. Opportuna V. à teneris ad Dei, ac Sanctissimæ ejus Matri obsequium properavit, Cœnobium ingredientem Angelus est comitatus, ubi post vitam austere, ac inter complura jejunia peractam morienti Deipara adfuit, ad cuius amplexus brachia exporrigens in hoc sancto conatu expiravit. *Nad.* In manibus tuis meæ quoque sortes sint ô Maria.

S. Opportuna V. ora pro me Deiparam, ut manuductrix mea esse ad cœlum dignetur: Virgineis illius manibus corpus, animam, facultates, me, meaque omnia ex integro do, de-dico, consecroque, perire non potest, quod Mariæ manibus committitur. O Sanctissima Dei, &c. f. 2.

Ad quod impetrandum: Cum P. Colnago S. J. cuius pectori admotâ manu, ut in salutem animarum incumbere pergeret, suafit Deipara, opportunitatem hodie quæram, aliquod pro salute animarum agendi, ut plures sint in cœlo, qui Deum, & Deiparam æternum laudent.

Ut corpus nostrum vitalis signum operatio-nis habet respirationem, ita & SS. nomen tuum ô Beatissima V. vita, lætitiae, & auxilii non solùm est signum, sed eam etiam procurat. S. Germ. Patr. de Zona V.

Quæstio: Cur Christus in cruce Deiparam Joanni commendans mulierem, non Matrem dixerit? v. Marc. Veger. Card. in Decachord.

XXIII. APRIL.